

石湖居士詩集



石湖居士詩集

四部叢刊初編集部

上海商務印書館
縮印愛汝堂刊本

序

予疇昔之晨與客坐堂上遙見一健步黃衣負一笈至庭下呼而誦其奚自曰自參政公范氏也發其笈公之文集在焉索其書讀之則公之予革叩頭請曰革不天不自實越而先公一夕奄忽棄其孤革欲死而不敢者有先公付託之重任在方先公之疾而未病也日夜手編其詩文數年成集凡若干卷逮將易簀執革手而授之且曰吾集不可以無序篇有有序篇非序篇寧無序篇也今四海文字之友惟江西楊誠齋與吾好且我知微斯人疇可以屬斯事小子識之若革則何敢請而先公之治命不敢墜惟先生哀而諾之予執書抱遺編而泣曰萬里與公同年進士也公先進至為朝廷大臣與天子論道發政坐廟堂進退百官而萬里環堵荒寒之士也何敢與公友公不我薄臨而辱友之萬里不敢拒公亦不敢以執政侯公也今忍死丁寧之託其何敢辭初公以文學材氣受知壽皇自致大用至杖漢節使強虜即其庭伏穹廬不肯起袖出私書切責之君臣大驚有自階闥之變竊位樞臣者其勢方震赫公沮之竟不奉詔而去其所立又有不凡者矣若夫劇心於山水風月之場彫龍於言語文章之囿此吾輩羈窮酸寒無聊不平之音也公何必能此哉古語曰爭名者必於朝爭利者必於市是二人者使之以此易彼或以彼易此二人

者其肯乎哉非不肯也不願也非不願也亦各樂其樂也詩人文士挾其所樂足以敵王公大人之所樂不當也猶將愈之故王公大人無以傲夫士而士亦無所折於王公大人今公乃自屏其所可樂而復力爭夫士之所甚樂所謂不虞君之涉吾地者其不多取乎然公之詩文非能工也不能不工耳公風神英邁意氣傾拔新領異之談登峰造極之理蕭然如晉宋間人物他人夏夏吃吃而不能出諸口者公嘆呻噫欠之間猝然談笑而道之則其詩文之工豈十日一水五日一石之謂也哉甚矣文之難也長於臺閣之體者或短於山林之味諧於時世之嗜者或漓於古雅之風淺奏與記序異曲五七與千百不同調非文之難兼之者難也至於公訓誥具西漢之爾雅賦篇有杜牧之之刻深騷詞得楚人之幽婉序山水則柳子厚傳任俠則太史遷至於詩大篇決流短章斂芒縟而不釀縮而不儻清新嫵麗奄有鮑謝奔逸偉窮追太白求其隻字之陳陳一倡之鳴鳴而不可得也今海內詩人不過三四而公皆過之無不及者予於詩豈敢以千里畏人者而於公獨斂旌焉於是文士詩人之難者易偏者兼矣其不盛矣乎嘻人琴今俱亡矣廣陵散今此聲遂絕矣惠子不生莊子不死復何道哉公之別墅曰石湖山水之勝東南絕境也壽皇嘗為書兩大字以揭之故號石湖居士云公諱成

大字至能世爲姑蘇人其世次言行職官則有少保大觀文大丞相益公周公之銘詩在紹熙五年六月十一日誠齋野客楊萬里謹序

序

石湖居士范公待制數文閣來帥成都兼制置成都潼川利夔四道成都地大人衆事已十倍他鎮而四道大抵皆帶蠻夷且北控秦隴所以臨制捍防一失其宜皆足致變故於呼吸顧盼之間以是幕府率窮日夜力理文書應期會而故時巨公大人亦或不得少休及公之至也定規模信命令施利惠農選將治兵未數月聲震四境歲復大登幕府益無事公時從其屬及四方之賓客飲酒賦詩公素以詩名一代故落紙墨未及燥士女萬人已更傳誦被之樂府弦歌或題寫素屏團扇更相贈遺蓋自蜀置帥守以來未有也或曰公之自桂林入蜀也舟車鞍馬之間有詩百餘篇號西征小集尤雋偉蜀人未有見者盡請於公以傳屢請而公不可彌年乃僅得之於是相與刻之而屬游爲序淳熙三年上巳日朝奉郎成都府路安撫司參議官兼四川制置使司參議官山陰陸游序

宋史本傳

范成大字致能吳郡人紹興二十四年擢進士第授戶曹監和劑局隆興元年遷正字累遷著作佐郎除吏部郎官言者論其超躡罷奉祠起知處州陞對論力之所及者三曰日力曰國力曰天力今盡以虛文耗之上嘉納處民以爭役畧訟成大爲勸義役隨家貧富輸金買田助當役者甲乙論第至二十年民便之其後入奏言及此詔頒其法於諸路處多山田梁天監中詹南二司馬作通濟堰在松陽遂昌之間激漢水四十里溉田二十萬畝堰歲久壞成大訪故迹疊石築防置堤開四十所立水則上中下溉灌有序民食其利除禮部員外郎兼崇政殿說書乾道令以絹計贓估價輕而論罪重成大奏承平時絹匹不及千錢而估價過倍紹興初年遞增五分爲錢三千足今絹實貴當倍時直上驚曰是陷民深文遂增爲四千而刑輕矣隆興再講和失定受書之禮上嘗悔之遷成大起居郎假資政殿大學士充金祈請國信使圖書專求陵寢蓋泛使也上面諭受書事成大乞并載書中不從金廷使者慕成大名至求巾幘效之至燕山密章奏其言受書式懷之入初進國書詞氣慷慨金君臣方傾聽成大忽奏曰兩朝旣爲叔姪而受書禮未稱臣有疏措筓出之金主大駭曰此豈獻書處耶左右以筓標起之成大屹不動必欲書達旣而

歸館所金主遣伴使宣旨取奏成大之未起也金庭紛然太子欲殺成大越王止之竟得全節而歸除中書舍人初上書崔實政論賜輔臣成大奏曰御書政論意在飭綱紀振積敝而近日大理議刑遞加一等此非以嚴致平乃酷也上稱爲知言張說除簽書樞密院事成大當制留詞頭七日不下又上疏言之說命竟寢知靜江府廣西窘匱專藉鹽利漕臣盡取之於是屬邑有增價抑配之敝詔復行鈔鹽漕司拘鈔錢均給所部而錢不時至成大入境曰利害有大於此乎奏疏謂能裁抑漕司強取之數以寬郡縣則科抑可禁止從之數年廣州鹽商上書乞復令客販宰相可其說成大出銀錢助之人多以爲非下有司議卒不易成大說舊法馬以四尺三寸爲限詔加至四寸以上成大謂互市四十年不宜驟改除數文閣待制四川制置使疏言吐蕃青羌兩犯黎州而結蕃列等尤桀黠輕視中國臣當教閱將兵外修堡砦仍講明教閱團結之法使人自爲戰三者非財不可上賜度牒錢四十萬緡成大謂西南諸邊黎爲要地增戰兵五千奏置都監路分吐蕃入寇之路十有八悉築柵分成結擾安靜砦發飛山軍千人赴之料其三日必遁已而果然白水砦將王文才私娶蠻女常導之寇邊成大重賞檄羣蠻使相疑貳俄禽文才以獻即斬之蜀北邊舊有義士三萬本民兵也監司郡

守雜役之都統司又俾與大軍更成大力具其不可
詔遵舊法蜀知名士孫松壽年六十餘雙漢廣甫五十
九皆挂冠不仕表其節詔召之皆不起蜀士由是歸心
凡人才可用者悉致幕下用所長不拘小節其傑然者
露章薦之往往顯於朝位至二府召對除權吏部尚書
拜參知政事兩月爲言者所論奉祠起知明州奏罷海
物之獻除端明殿學士尋帥金陵會歲旱奏移軍儲米
二十萬賑飢民減租米五萬水賊徐五竊發號靜江大
將軍捕而戮之以病請閒進資政殿學士再領洞霄宮
紹興二年加大學士四年薨成大素有文名尤工於詩
上嘗命陳俊卿擇文士掌內制俊卿以成大及張震對
自號石湖有石湖集攬轡錄挂海虞衡集行於世

石湖居士詩集目次

嗣協迂客

吳郡 顧嗣皋漢魚 重訂

嗣立俠君

卷一

詩四十六首

卷二

詩五十四首

卷三

詩六十三首

卷四

詩六十七首

卷五

詩五十一首

卷六

詩四十三首

卷七

詩四十九首

卷八

詩五十二首

卷九

詩五十一首

卷十

詩五十九首

卷十一

詩六十五首

卷十二

詩七十二首

卷十三

詩四十四首

卷十四

詩五十四首

卷十五

詩六十九首

卷十六

詩六十五首

卷十七

詩六十九首

卷十八

詩六十首

卷十九

詩五十二首

卷二十

詩八十四首

卷二十一

詩六十首

卷二十二

詩四十二首

卷二十三

詩七十二首

卷二十四

詩七十首

卷二十五

詩六十三首

卷二十六

詩五十六首

卷二十七

詩七十九首

卷二十八

詩七十五首

卷二十九

詩五十首

卷三十

詩三十三首

卷三十一

詩五十一首

卷三十二

詩五十七首

卷三十三

詩三十九首

卷三十四

詞出

賦六首

楚辭四首

卷三十五

詞出

詞

石湖詩集三十三卷凡古今各體詩一千九百一十六首范文穆公乎自編定宋嘉泰間其子莘等刻以行世合詩文凡百有三十卷明時曾已重刻而流傳頗少又有活板印本殘闕甚多今藏書家多有抄本而訛舛異同魯魚錯出吾友金子亦陶所藏從宋板抄得更爲廣集諸家較勘精密可稱善本茲先刻其詩集以公諸同好卷帙前後悉依原本所編其間譌字如井聖本刊之悞聖爲聖第靡波流之悞第爲弟皆略爲改正所有一二謬漫之處無從辨證姑闕之以俟攷外附賦楚辭一卷樂府一卷賦本在詩前今附於詩後者集以詩名從其類也嗟乎自文穆公至今四百有餘年矣而詩篇在是聲光爛然亦可以見吳下之風流其淵

源至今弗絕也康熙戊辰八月中秋前一日依園主人謹識

石湖居士詩集目次終

石湖居士詩集卷一

嗣協迂客

吳郡

顧嗣臯漢魚

重訂

嗣立俠君

行路難

贈君以丹棘忘憂之草青棠合歡之花馬腦遊仙之夢
枕龍鯨辟寒之寶紗天河未翻月未落夜長如年引春
酌昔人安在空城郭今夕不飲何時樂

西江有單鵠行

西江有單鵠託身萬里雲猥爲稻梁謀墮此鷗鷺羣朝
遊楓葉杪暮宿蘆花根懷安浦激暖忘記雲海寬忽有
孤征鴻驚飛落江濱眼明見黃鵠解后傾情真羽毛雖
不同意氣頗相親言鵠有六翮何不高飛翔水鳥不足
羣朝暮徒嘲喧相將乘風去一上盤秋旻渴飲顛露滋
飢吸晴霞嗽方知翺翎俊可以凌埃塵東風昨解凍春
光暖如薰陽鳥當北鄉行止倏已分儻欲相逐去關山
隔吳秦兩鳥竟分飛鳴聲動行人豈不有歲晚鴻當復
來賓但愁山海闊岐路多糾紛復來失故道那得相知
聞鴻歸有儔侶鵠住長悲辛

車遙遙篇

車遙遙馬憧憧君遊東山東復東安得奮飛逐西風願
我如星君如月夜夜流光相皎潔月暫晦星常明留明

待月復三五共盈盈

放魚行

水落塘枯魚臥陸小兒抱取不濡足昂藏赤鱗亦垂頭
背負玄鱗三十六家人滌砧不辭勞云有素書金錯刀
嗟予贖放豈徵福忍把汝命供吾饗如今已脫張胡子
好上龍門飲湖水不然崛起載飛仙切莫顛狂稱長史
晚步東郊

水墨依林寺青黃負郭田斜陽猶滿地片月早中天策
策鴉飛急冥冥樹影圓西山元自好那更著雲煙

元夜憶羣從

愁裏仍萬徑閒中更華門青燈聊自照濁酒爲誰溫隙
月知無夢窓梅寄斷魂遙憐好兄弟飄泊兩江村

登西樓

少年豪氣合摧鋒青鬢未顏萬事慵曠昔四愁無夢到
及時一笑有誰供詩情飲興如雲薄草色花光似酒醺
千里春心吟不盡下樓分付晚煙鐘

不寐

南風釀卑濕滑滑病履爲竟日隱几坐拳局不得適丹
田恍瀕洞銀海眩眊黑髀弱類跨鞍臂強如運雙合體
競酸嘶莫夜輒增極奏牀不得眠耿耿到明發黃妳共
住久來夢乃其職睡魔吾故人曩是不速客招呼各偃
蹇莫効尺寸力周公無由來咫尺今古隔彭尸不得去

置騎無行色主客兩愁緒虛室浪生白人言老禪師兩
脇不到席茲事恐未暇但願了今夕平生北窓眠相相
即聖域睡僊吾所慕行步亦軒息

河豚歎

飯生藜藿腸食事一飽足腥腐色所難況乃裹飢毒彭
亨強名魚殺氣孕慘黷既非養生具宜謝砧几酷吳儂
真差事網索不遺育捐生決下箸縮手汗童僕朝來里
中子饒吻不待熟濃睡喚不摩已落新鬼錄百年三寸
咽水陸富肴較一物不登俎未負將軍腹爲口忘計身
賢死何足哭作俑者誰與至今走末俗或云先王意除
惡如執菽逆臬與毒獍歲歲參幣玉芟夷入薦羞蓋欲
殲種族生死有定數斷命烏可續適丁是時者未易一
理局龜鼎子公怒羊羹華元舐異味古所珍無事苦畏
縮駢頭託此語戒諭祇取瀆聲盲死不悟明知諒已燭

續長恨歌七首

金杯嫩澣曉粧寒國色天香勝牡丹白鳳詔書來已暮
六宮鉛粉半春闌

紫薇金屋閉春陽石竹山花却自芳莫道故情無覓處
領巾猶有隔生香

聞道蓬壺重見時瘦來全不耐風吹無端却作塵間念
已被仙官聖得知

別後相思夢亦難東虛雲路海漫漫仙凡頓隔銀屏影

不似當時取次看

人似飛花去不歸蘭昌宮殿幾斜暉百年只有雲容姊
留得當時舊舞衣

驪山六十二高樓突兀華清最上頭玉羽川長相浦暗

三郎無事更神遊

帝鄉雲馭若爲留八景三清好在不玉笛不隨雙鶴去

人間猶得聽梁州

雷雨鄰舍起龍

雨工避事欲蟠泥帝遣豐隆執以歸連鼓一聲人失箸

不知挂壁幾梭飛

次韻唐致遠雨後喜涼

老陽作氣再三衰鼓竭之餘不支雨傘旗拔幟掃迹空
一點新涼破殘暑飛蚊薨薨已無奇蜻蜒翅淨摩天嬉

竹窓日暮轉蕭瑟喜有促織鳴聲悲

秋日二絕

碧蘆青柳不宜霜染作滄洲一帶黃莫把江山誇北客

冷雲寒水更荒涼

新秋病骨頓成衰不度溪橋半月來無事閉門非左計

饒渠展齒上青苔

窓前未芙蓉

辛苦孤花破小寒花心應似客心酸更憑青女留連得
未作愁紅怨綠看

嘲里人新婚

冷艷頰容一笑開休將鸞扇更徘徊
筵簾細寫歸舟字
彷彿遊仙夢裏來

過松江

長虹斗起蛟龍穴朱碧欄干夜明滅
太湖三萬六千頃
多少清風與明月青鷗驚飛白鷺閒
丹楓東老黃蘆折
誰將橫笛吹蒼煙無限驚波翻白雪
洞庭林屋舊遊處
玉柱金庭路遠絕水仙遙迎慘脩袂
問我歸計何當決
去年匹馬元春寒今此孤蓬窘秋熱
人生意氣得失間
輕重劍頭吹一吹莫將塵土浣朱顏
却待丹砂回白髮
過平望

寸碧闌高浪孤墟明夕陽水柳搖病綠
霜蒲蘸新黃孤
喚乍舉網蒼煙忽鳴榔波明荇葉顛
風熟蘋花香雞犬
各村落蓴鱸近江鄉野寺對客起樓陰
濯滄浪古來離
別地清詩斷人腸亭前舊時水還照兩鴛鴦

長安關

斗門貯淨練懸板淙驚雷黃沙古岸轉
白屋飛檐開是
間袁丈許舳艫蔽川來千車擁孤蓬
萬馬盤一坏蒿尾
亂若雨橋竿束如堆摧摧勢排軌洶洶
聲喧喧偏反復
偏反誰肯少徘徊傳呼津吏至弊蓋凌
高埃囁嚅議讓
征叫怒不可裁吾觀舟中子一一皆可
哀大爲聲利驅
小者飢寒催古今共來往所得隨飛反
我乃疇於人胡

爲平來哉

榮木并序

卧病十日綠陰滿庭因誦淵明榮木詩其序曰日月
推遷已復有夏總角聞道白首無成翠然有感乃和
其韻

薰風南朱木榮於茲木榮幾時黃落從之逝其須臾坐
成四時今我不學殆其已而天旋地遊日月其根形息
氣徂不亡者存去鄉離家莫肯過門猗歟先師不我疵
陋褰衣示珠俾我復舊自我來歸十年不富執蠹執蠹
惟汝自疚冉冉榮木霜華將墜天黑路長屹蹶可畏隸
也不力奚取六驥脂車着鞭一息而至

兩木并序

壬申五月卧病北窓惟庭柯相對手植綠橘枇杷森
然出屋枇杷已著子橘獨十年不花各賦一詩

枇杷昔所嗜不問甘與酸黃泥裏餘核散擲籬落間春
風折勾萌撲檄如榛菅一株獨成長蒼然齊屋山去年
小試花瓏瓏犯冰寒化成黃金彈同登桃李盤大鈞播
羣物輪旋不作難樹老人何堪挽鏡覓朱顏頽顛爾許
長大笑歌巾冠

綠橘生西山得自髯翁家云此接活根是歲當著花俛
仰乃十霜垂蠹紛相遮芳意竟寂莫枯枝謾槎牙風土
諒非宜翁言豈予奉會今返故山高深謝汗邪石液滋

舊根山英擢新葩黃園挂霜實大如崆峒瓜當有四老人來駐七香車

道中

月冷吟蛩草湖平宿鷺沙客愁無錦字鄉信有燈花蹤跡隨風葉程途犯斗槎君看枝上鵲薄暮亦還家

落鴻

落鴻聲裏怨關山淚濕秋衣不肯乾只道一番新雨過誰知雙袖倚樓寒

題山水橫看二首

煙山漠漠水漫漫老柳知秋渡口寒盡是西溪腸斷處憑君將與故入看

霜入丹楓白葦林橫煙平遠暮江深君看鴈落帆飛處知我秋風故國心

瑞香花

萬粒叢芳破雪殘曲房深院開春寒紫紫青青雲錦被百疊薰籠晚不翻酒惡休拈花蕊嗅花氣醉人醺勝酒大將香供惱幽禪恰在蘭枯梅落後

讀史

登壇策劉項卧廬料曹孫探懷取事業一一如印圖英豪蓋天資八極入控搏由來事成敗只繫手覆翻玉虹朝貫日劒氣夜燭天雖欲避功名何處蟄龍鸞我生後千載愚暗難具言長大但食粟閭閻不能文麥豆已難

辨帽稅固不分抱瓮灌圃畦載竿避城門智略類如此何以超籬藩龜剎始神策木斷方儀尊朝市有機宰冠裳或鉗髮茲事定不吾其老泥蟠敢云善用短聊復強自寬

浙江小磯春日

客裏無人共一杯故園桃李爲誰開春潮不管天涯恨更捲西興暮雨來

代聖集贈別

一曲悲歌水倒流尊前何計緩千憂事如夢斷無尋處人似春歸挽不留草色粘天鷓鴣恨雨聲連曉鷓鴣愁迢迢綠浦帆飛遠今夜新晴獨倚樓

二月三日登樓有懷金陵宣城諸友

百尺西樓十二欄日遲花影對人間春風已入片時夢寒食從今數日間折柳故情多望斷落梅新曲與愁關詩成欲訪江南便千里煙波萬疊山

寒食郊行書事二首

野店垂楊步荒祠苦竹叢鶯窺蘆箔水鳥啄紙錢風嫋引濃粧女兒扶爛醉翁深村時節好應爲去年豐隴麥欣欣綠山桃寂寂紅帆邊漁蕩浪木末酒旗風信步隨芳草迷途問小童賞心添脚力呼渡過溪東

初夏二首

清晨出郭更登臺不見餘春只麼回桑葉露枝盤向老

菜花成莢蝶猶來

暗絲千尺挽韶光
百舌無聲燕子忙
永日屋頭槐影暗
微風扇裏麥花香

夏夜

脉脉惜佳夜
泠泠成浩歌
儻無詩句子
將奈月明何
露氣濛花重
風聲入樹多
清歡殊未辦
桂影墮江波

與時敘現老納涼池上時敘誦新詞甚工

會心不在遠
頃步便得之
長風吹月來
清影落半池
屋頭見木葉
玲瓏剪琉璃
紅塵絆兩足
大笑兒輩癡
老禪挽我遊
高論方軒眉
潘郎忽鼎來
談詩解人頤
晚誦雲髻篇
濯濯餘春姿
想見篇中人
清潤如君詩
笑我兩枯木
獨與三冬期

林元復輓詩

胸次崢嶸滿貯書
十年名字滿江湖
張公閱世詩千首
楊子傳家宅一區
謾道春風須得意
那知秋雨不成珠
自從雪魄冰魂散
魯國今誰更服儒

戲贈少梁

屈膝銅鋪畫掩關
薰爐誰伴夕香寒
秋來合有相思字
會待風前片葉看

南徐道中

以下赴金陵書識作

生憎行路與心違
又逐孤帆擘浪飛
吳岫湧雲穿望眼
楚江浮月冷征衣
長歌悲似垂垂淚
短夢紛如草草歸

若有一廬供閑戶
肯將箋舫換柴扉

石湖居士詩集卷一

石湖居士詩集卷二

望金陵行闕

聖代規模跨六朝行宮臺殿壓金鼇三山落日青鸞近
雙闕清風紫鳳高石虎踰江蟠王氣玉麟湧地鎮神皋
太平不用千尋鎖靜聽西城打夜濤

金陵道中

山晚黃羊隨日下天寒白鶴弄風歸愁埃百轉西州路
笑憶沙湖一棹飛

曉行官塘驛

篝燈驛吏喚人行寥落星河向五更馬上誰驚千里夢
石頭岡下小車聲

秦淮

不將行李試問關誰信江湖道路難腸斷秦淮三百曲
船頭終日見方山

重九獨登賞心亭

誰教佳節帶天涯強展愁眉管物華每歲有詩題白鴈
今年無酒對黃花悠悠造化占斜日草草登臨記落霞
宇宙此身元是客不須彈鋏更思家

賞心亭再題

天險東南重兵雄百二尊拂雲千雉繞截水萬崖奔赤
日吳波動蒼煙楚樹昏向無形勝地何以控乾坤

宿義林院

暝氣昏如雨禪房冷似冰竹間東嶺月松杪上方燈驚
鵲盤金剎流螢拂玉繩明朝窮脚力連夜斬崖藤

荆公墓二首

百歲誰人巧拙一丘底處虧成半世青苗法意當年雪
竹詩情

本意治功徒木何心黨揭揚塵報讎豈教行劫作偏翻
成害仁

十月朔客建業不得與兄弟上冢之列悲感成
詩

歲已看成暮身今未得歸風塵孤淚盡霜露寸心違南
礪新流水西山舊落暉煙松應好在宿草定成非逝水
方東去浮雲浪北飛危魂先自斷不待更沾衣

白鷺亭

倦遊客舍不勝閒日日清江見倚闌少待西風吹雨過
更從二水看淮山

臘脂井三首

昭光殿下起樓臺拚得山河付酒杯春色已從金井去
月華空上石頭來

午醉醒來一夢非忽忽玉樹逐春歸臘脂却作千年計
不似愁魂四散飛

腰支旅拒更神遊桃葉山前水自流三十六書都莫恨
煩將歌舞過揚州

秦淮并序

自金陵復泛秦淮宛轉數百曲世傳始皇東巡自江
乘渡望氣者以爲金陵有天子氣乃鑿長岡引潮水
入焉號曰秦淮逶迤屈曲不類人功故又傳爲龍所
開也

祖龍驅羣龍疏此萬丈溝雨工應故樓十步九回頭至
今秦淮曲蜿蜒若春蛇遊舟師厭回互歎息倚棹樓維昔
東巡初八極圍寸昨天端有佳氣鬱鬱東南浮卜云當
興王在後五百秋叱咤召六丁慘淡風雲愁鑿渠斷地
脉自謂神與謀乾坤有端倪已露不可收大帝開吳天
定鼎臨江陬融融秣陵日始照十二旂經營暨六代茲
地稱神州乃知歷數定昧者徒私憂茲事故老傳未知
信然不姑置勿重陳作詩歎遲留

九月三日宿胥口始聞鴈以下歸吳山作

故人久不見乍見難悲喜新鴈如故人一聲驚我起把
酒不能觴送目問行李曾雲行路難空濛千萬里塞北
多關山江南渺雲水風高吹汝渡旅伴今餘幾斜行不
少駐歲歲蒼煙裏竊遊吾亦倦客程殊未已扁舟費年
華短纜繫沙尾物生各有役冥心聽行止江郊匝地熟
場圃平如砥歸期且勿念共飽豐年米

欲雪

烏鴉撩亂舞黃雲樓上飛花已唾人說與江梅須早計

馮夷無賴欲爭春

讀史三首

百歲齡成費機械烏鳶蟻蟻竟同歸一檠燈火挑明滅
兩眼昏花管是非

堂堂劉傳冠元功紙上浮雲萬事空我若材堪當世用
他年應只似諸公

鏤冰琢雪戰毛楚画餅聲名骨朽時汗簡書青已兒戲
峴山辛苦更沉碑

宴坐菴四首

油燈已暗忽微明石鼎將乾尚有聲衲被蒙頭籠兩袖
蒸牀無地著功名

五更風竹闌軒窓聽作江船浪隱牀枕上翻身尋斷夢
故人待漏滿鞞霜

粥魚吼罷鼓逢逢卧聽飢鼯上曉缸一點斜光明紙帳
悟知檐雀已穿窓

跣趺合眼是無何靜裏惟聞鳥雀多俗客叩門稱問字
又煩居士起穿鞞

青青礪上松送致遠入官

青青礪上松鬱鬱礪底柏松森上曾雲柏踞抱幽石偃
植雖不同臭味乃相得千霜與百雪偶立衆芳側衆芳
豈不好歲晏埽無迹廣厦羣木萬牛挽山澤松材可
世用攀援入王國草木豈有情亦復念離析君看此翠

柏錯莫無顏色孤陰愁月夜獨籟怨風夕蒼官何當歸相望長相憶

除夜感懷

松楸百年哀霜露終歲悲天地豈汝偏鬼神諒無私孤窮罪當爾我今怨尤誰噓絕夢自語伶俜影相隨豈無一經傳政坐五鬼噬鑿枿共齟齬榛荆費耘耔付畀踰丘山奉承劣毫釐生男九族歡所願作門楣時命有大謬生男竟何裨匏瓜謬得腹蒲柳無具姿蹙縮高顙頰蕭騷短髯髭貧病老歲月斗杓坐成移曉風淒以寒簾幕相紛披月星炯我冠霧雨泣我衣煮蒿奉祠事苦淚落酒卮逝者日已遠生者日以衰羸驂駕九折日暮抱長飢岐路正囓絕耿耿誰當知

次韻唐子光席上賞梅

玉枝橫斜照清空纖手撚香 公水部無人廣平去後來我輩猶情鍾誰噴昭華送愁絕叫雲三弄怨斜月徑須踏雪問前村莫待馬蹄如踏鐵春風壓盡百花橋尊前仍有董嬌嬈惜無楚客歌成雪空有蕭郎眼似刀

夜行上沙見梅記東坡作詩招魂之句

玉妃謫人世乃在流水村天風吹嬋娟飄墮寂寞濱芳心怨命薄玉色淒路塵佳人來無期日暮多碧雲溪聲爲咽絕月亦低微聲相逢倦遊子一笑不復珍脉脉問不語亭亭意彌具要我冰雪句招此欲斷魂蘇仙上賓

天妙意終難陳璿柄忽傾墮曉嵐愁翠昏

次韻唐子光教授河豚

世間尤物美惡并江鄉未用誇吳羹清宮洞房寒熱媒深山大澤龍蛇生胡夷信美胎殺氣不奈吳兒苦知味楊花欲動荻芽肥汙汙死心搖食指食魚要是黃梁古來不必須河魴君看腹似渾脫寧肯滑甘隨芥菹先生法語峻立壁議論不使一錢直膨亨從此迹如掃坐令梅老詩無力懸知仙骨有青吳風香久已滌羶腥大笑日華解毒法何如肘後餐霞經

題如夢堂壁

勃姑午啼喚雨鴨鵝曉轉留春片雲不載歸夢兩等全供客塵

曉起

簾額繡波蕩漾燭盤紅淚闌干夢裏五更風急愁邊一半春殘

再遊上方

僧共老花俱在客將春鴈同回范叔一寒如此劉郎前度曾來

即事

醉袖籠鞭轉柳塘青門芳樹掩殘香誰驚翡翠雙飛去祇有蓮花對斷腸

春晚即事